

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-5183/20  
Sarajevo, 27.4.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU**

**o izboru najpovoljnijeg ponuđača u predmetu – Izvođenje radova na sanaciji hidrantske mreže i sistema zalijevanja zelenih površina u okviru Centra za edukaciju, sport i rekreaciju „Safet Zajko“**

### **I**

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje radova na sanaciji hidrantske mreže i sistema zalijevanja zelenih površina u okviru Centra za edukaciju, sport i rekreaciju „Safet Zajko“, broj obavještenja 422-1-3-52-3-40/20, objavljeno na Portalu javnih nabavki dana 12.3.2020. godine i u „Službenom glasniku BiH – Oglasnik javne nabavke“ br. 18/20 od 20.3.2020. godine, dodjeljuje se ponuđaču „Sela“ d.o.o. Sarajevo, sa ponudenom cijenom za ugovor u iznosu od 149.767,00 KM sa PDV-om.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana koji je utvrđen kao krajnji rok za predaju ponude .

## **Obrazloženje**

Odlukom broj 02/12-19-5183/20 od 09.3.2020. godine Općina Novi Grad Sarajevo pokrenula je otvoreni postupak javne nabavke – Izvođenje radova na sanaciji hidrantske mreže i sistema zalijevanja zelenih površina u okviru Centra za edukaciju, sport i rekreaciju „Safet Zajko“, broj obavještenja 422-1-3-52-3-40/20, objavljeno na Portalu javnih nabavki dana 12.3.2020. godine i u „Službenom glasniku BiH – Oglasnik javne nabavke“ br. 18/20 od 20.3.2020. godine.

Zapisnikom o otvaranju ponuda od 03.4.2020. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača: 1. „Sela“ d.o.o. Sarajevo, 2. konzorcij „Mimas-ing“ d.o.o. Sarajevo i „Bosman“ d.o.o. Sarajevo, 3. „Dinalsa“ d.o.o. Sarajevo i 4. Konzorcij „Flex invest“ d.o.o. Sarajevo i „Promark“ d.o.o. Mostar. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača „Mimas-ing“ d.o.o. Sarajevo i „Bosman“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. a) tehnička i profesionalna sposobnost, jer ponuđač nije dostavio listu izvršenih ugovora koji su u vezi s predmetom nabavke u posljednje tri kalendarske godine i potvrde za ugovore koji za predmet ugovora imaju radove koji su u vezi s predmetom nabavke zbirne vrijednosti najmanje 150.000,00 KM sa PDV-om.

Iz naprijed navedenih razloga utvrđeno je da grupa ponuđača „Mimas-ing“ d.o.o. Sarajevo i „Bosman“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. a) tenderske dokumentacije, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. b) tehnička i profesionalna sposobnost, odnosno ponuđač nije dostavio dokaz o radnom iskustvu u trajanju od najmanje pet godina u struci za jedno lice VSS – građevinske ili arhitektonske struke (original ili ovjerena kopija).

Iz naprijed navedenog razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. b) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da grupa ponuđača „Flex invest“ d.o.o. Sarajevo i „Promark“ d.o.o. Mostar ne ispunjava kvalifikacione uslove tražene u tenderskoj dokumentaciji iz tačke 3.4.1. b) i c) tehnička i profesionalna sposobnost, jer ponuđač nije dostavio dokaz izdat od PIO ili MIO ili Porezne uprave da ponuđač u stalnom radnom odnosu ima zaposlenog jednog diplomiranog inženjera - građevinske ili arhitektonske struke (original ili ovjerena kopija sa datumom izdavanja ne starijim od 30 dana računajući od dana utvrđenog kao krajnji rok za predaju ponuda), niti je dostavio dokaz o obezbijedenosti opreme neophodne za obavljanje predmetnih radova, odnosno za radnu mašinu – vibro ploča nije dostavljen zapisnik uz upotrebnu dozvolu.

Iz naprijed navedenih razloga utvrđeno je da grupa ponuđača „Flex invest“ d.o.o. Sarajevo i „Promark“ d.o.o. Mostar ne ispunjava uslove tražene u tenderskoj dokumentaciji iz tačke 3.4.1. b) i c) tenderske dokumentacije, te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u preostalu ponudu ponuđača „Sela“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji, te izvršila računsku kontrolu ponude i utvrdila računsku grešku. Ponuđač je dostavio saglasnost na ispravku računске greške dan 15.4.2020. godine, te je Komisija dala prepruku da se donese odluka o dodjeli ugovora ponuđaču „Sela“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

